

Mekana Yibate yi Pol ketima kenje botu be Tesalonik

Mekana mete yoko, yo ndi Pol, mo tomun Yesus Krist kete yo. Yo mekana yibate yi nye ketima kenje bekriten be Tesalonik.

Ke mekana maka Pol ke ke mbombu yi lero kasi *Yeso Nyangwe Kumande. Yo nde, bekriten be Tesalonik nja be ne nyangwe menjangwe ke kasi Yeso Nyangwe Kumande. Yo nde, banja bomo ketima yija mekana yi lero nde, yeso te ma si kwa, yori yi Pol ke keto mekana maka yi wedye ne temo yan nde, yo ja, yi nembe sendi ne meyasi mete yi ta kwanja ke ne kwet kwet nye bo.

Bosa mekana mete yi Pol ketima kenje bekriten be Tesalonik jeki lero nde, Krist ta kala nje yi nje bu botu bene. Mekana yibate jeki lero kasi Yeso Nyangwe Kumande.

Wuse yakama baka mekana maka ke nyangwe mengabiye yitati:

1. Kasi wedya temo ke moy mebone (kumte 1).
2. Kasi *Yeso Nyangwe Kumande ne kasi *Mo beya mekele (kumte 2).
3. Njena mengite (kumte 2-3).

¹ Yo mi Pol ne Silve ne Timote, yo wuse ke keto mekana maka kenje wune njon botu bete be ma tiko temo ke yi Kumande Yesus Krist ke Tesalonik baka. Wuse keti kenje wune njon botu bete

be wokuna ne Njambiyε Saŋgwe wusu, wokuna sendi ne Nyangwe Kumande Yesus Krist. ² Da Njambiyε ne Nyangwe Kumande Yesus Krist kel ngikwa ne wune, nye sendi wune tete.

³ Wune njon, wuse yakangwe nye Njambiyε wosoko mengimo hene keto yun. Yo yakama nde, wuse kel dete, keto tikina temo te yi wune tike ke yi Yesus ke ke doko doko budyate ke no mbombu. Sendi, mekwadya mete yi mumo hene ke njoka yun bu sangwe ne beso ke ke doko doko ke no mbombu. ⁴ Dete, wuse ne nguru wusu ke lepina kine njon ke misi keto yun ke njoka menjon me botu bete bari be ma tiko temo ke yi Njambiyε baka. Wuse lepinangwe dete, keto tin te yi wune no ne tikina temo te yi wune be no ke yi Yesus ke moy nyangwe mebone hene te yi bo tedye wune ne ke diyō mebone mete yi wune disima diyō kete ke.

⁵ Yo ne nje meyasi menori yi Njambiyε tedye nde, a pesi melipi ne ngben. Ndana, wune ke sangwa ne mebone, keto wune ke jaye nde, Njambiyε nam bomo bene. Yo ne nje te yite yi Njambiyε ta peso nde, wune kpasa botu bete be yakama ne kandō dyene yi wune sangwa ne mebone keto te ke. ⁶ Yo gbate nde, Njambiyε kel meyasi ne ngben. Dete, a ta yokidye tedye mebone nye botu bete be tedye wune mebone baka, ⁷ nye wune be diyε ke diyō mebone ndana baka mewadya sine wune kome Nyangwe Kumande Yesus ta punje yotu wule dyobō bene detina bejaki bene ke. ⁸ A ta nje ke moy wete bulam bulam lam dite nje tedye mebone nye

botu bete be yeti ke tiko temo ke yi Njambiye baka ne botu bete be yeti ke bengwe melapi mete yi Kimo Tom Nyangwe Kumande wusu Yesu lere ke. ⁹ Yo nde, bo ta sangwa ne nyangwe mebone yambile kpo ne kpo londunate ne mbi ne mbombu Nyangwe Kumande kine diyo ke meluxa mete yi nyangwe deti ne nye ke na. ¹⁰ Bo ta diyo londunate ne mbi kome nye ta nje, ne bomo lukse nye keto bomo bene, ne bomo hene tondu nye keto botu bete be ta tiko temo ne nye baka. [Wune ta be yun ke njokate], keto wune tikima temo ke meyasi mete yi wuse ne nguru wusu duwa nje lero nye wune ke. Meyasi hene ta kwanja dete ke nyangwe yeso te.

¹¹ Yo keto te yite yi wuse ngweta sendi ne Njambiye mengimo hene keto yun, diye Njambiye wusu nde, a kel nde, wune jonngwe yaka ne diyo te yi nye jebama ne wune ke. Wuse ke diye nde, a tonjukwe kwadya kelna kimo mekele hene te yi wune kwadye kel ke, tonje sendi meyasi mete yi wune kele ke, keto wune ke tiko temo ke yi Yesu. Wuse diya nde, a tonjukwe meyasi mete hene ne nyangwe deti ne. ¹² Dete, bomo ta lukse dino Nyangwe Kumande wusu Yesu keto yun. Sendi, bomo ta lukse wune keto ne. Yo ta kelna dete bengwe ngikwa te yi Njambiye wusu ne yi Kumande Yesu Krist.

2

Kasi Yeso te yi Nyangwe Kumande

¹ Wune njon, ke kasi njena Kumande Yesu Krist ne ke kasi mesangwa mene sine bo, wuse

ke ηgweta ne wune nde: ² Metemo mun ti beki ne habubu ke lepi te yi bo lepe nde, *Yeso Nyanḡwe Kumande ma dya ké na. Ko mumo lépi nde, yo Sisiḡ Njambiye lepe nye nye, ko bo lépi lepo ne numbu, ko bo kéti keto yi lepo nde, yo wuse, wune ti gwaki wo yaḡa na. ³ Ko mumo ti sebila wune ne yiḡa menje na. Keto wune dúkwe nde, ηgimo te yi bomo ta tumo koḡ lu dyambi ne Njambiye ké ta pa kande dya. Sendi, *Mo beya mekele ko ta pa kande punje yotu. Yo kponate nde, a ta yambile. Meyasi menori ta pa si kelna, ke koḡte, yeso te yi Kumande ta nje kete ké má nje dya. ⁴ Mo beya mekele ko, nye mo pendo, nye yoko e teme lu dyambi sunḡwe ne meyasi hene te yi bomo jeba nde Njambiye, ho sunḡwe ne meyasi hene te yi bomo kane. Nye ne ηguru wene ta kwa, nyiḡe gba mbanjo Njambiye diyo kete lepo ne ηguru wene nde, nye Njambiye.

⁵ 'Wune ma lenḡa meyasi mete? 'Mi ti be ke lepo yo nye wune ke ηgimo te yi mi ba ndi sine wune ké na? ⁶ Ma ndana, wune duwa yasi te yi biye nde, meyasi mete ti yaḡ kelna ké. Yo nde, *Mo beya mekele ko ta diso punje yotu ndi ke ηgimo te yi Njambiye kpoma ké. ⁷ Yasi wete ndana, deti kelna mebeyo yi ba sodyate ké ma kande mesay mene ke puye. Yo ndi nde, meyasi mete ta diso kelna kome mo te e biye yo ko ta jise kwa londɔ. ⁸ Ma yo ke ηgimo te yite yi mo beya mekele ko ta punje yotu yey. Komete, Nyanḡwe Kumande Yesus ta wo nye ne sosu te yi punde ke numbu ne ké girise nye ne nyanḡwe deti meluksa te yi nye ta punje nje

nɔ kɛ́. ⁹ Mɔ bɛya mɛkele kɔ ta punjɛ yotu nɛ dɛti te yi *Satan. A ta kɛlɔ nyanɔgwɛ mɛkele wɛtɛ wɛtɛ tɛdɛyɛ mɛyɛkambiye, kɛlɔ sendi yinɔ nyanɔgwɛ mɛyasi mɛ ja. ¹⁰ Dɛtɛ, a ta kwɔ nɛ njɛ kɛlna kɔtu mɛkele hɛnɛ yí sebile nɛ botu bɛtɛ bɛ ta yambile baka. Yo ta bɛ dɛtɛ kɛ yi botu bɛtɛ, kɛto bo tí nyɛ temɔ kɛ mɛlɛpi mɛtɛ yi lɛpɛ gbakasi kɛ kasi Nyanɔgwɛ Kumandɛ, nɛ bo ju na. ¹¹ Dɛtɛ, Njambiyɛ kɛ tomɔ nyanɔgwɛ dɛti kɛlna kɔtu mɛkele njɛsɛ kɛ yotu yan, nɛ bo tiki temɔ kɛ mɛlɛpi mɛ ja. ¹² Yo ta kwanɔna dɛtɛ, nɛ bomɔ hɛnɛ bɛ ti tikɛ temɔ kɛ mɛlɛpi mɛtɛ yi lɛpɛ gbakasi baka sɔngwa nɛ mɛbɔnɛ, kɛto bo kpalma bɛ nɛ mɛsosa kɛ kɛlna kɔtu mɛkele.

¹³ Wunɛ njɔɔ, kɛ bɛ wusɛ, wusɛ yákanɔgwɛ nyɛ Njambiyɛ wosoko mɛngimɔ hɛnɛ kɛto yun, botu bɛtɛ bɛ Nyanɔgwɛ Kumandɛ kwadɛyɛ baka. Wusɛ yákanɔgwɛ nyɛ Njambiyɛ wosoko, kɛto a tɔkuma wunɛ njombu yanɔ piɔ te yi nyɛ tí pa kusɔ mbokɔ na, nɛ wunɛ bɛ nɛ jɔngwɛ te yi kpo nɛ kpo. Wunɛ ta bɛ nɛ jɔngwɛ te nɛ njɛ te yi Kimɔ Sisiɔ, nɛ wunɛ bakidɛyɛ mɛyotu mun pupunate kɛ mbɔmbu Njambiyɛ. Wunɛ ta bɛ sendi nɛ jɔngwɛ te nɛ njɛ tikina temɔ te yi wunɛ tikɛ kɛ mɛlɛpi mɛtɛ yi lɛpɛ gbakasi kɛ kasi Nyanɔgwɛ Kumandɛ kɛ́. ¹⁴ Njambiyɛ jɛbama wunɛ ndɛ, nɛ wunɛ bɛ nɛ jɔngwɛ te yi kpo nɛ kpo nɛ njɛ Kimɔ Tom te yi wusɛ lɛpima nyɛ wunɛ kɛ́. A jɛbanɔgwɛ wunɛ, nɛ wunɛ bɛ sendi nɛ mɛluksa mɛtɛ yi Nyanɔgwɛ Kumandɛ wusu Yesu Krist nɔ kɛ́. ¹⁵ Dɛtɛ, wunɛ njɔɔ, wunɛ dɛiy nɛ ngbɛngim kombilɛ bakidɛyɛ mɛyasi mɛtɛ yi wusɛ

tedya wune ké kè nɔ mbombu. Ko yike yi wuse lepima lepɔ ne numbu, ko yike yi wuse ketima keto kenje wune ké. ¹⁶ Nyangwe Kumande wusu Yesu Krist ne nguru wene nè Sangwe Njambiye wusu kwadya wuse. Keto ngikwa ne, Sangwe Njambiye wusu kelma nde, metemo musu bêki ne te kpo ne kpo, kelo sendi nde, wuse bêki ne bibina temɔ ne ngbik ke meyasi mete yi ta dya ké. ¹⁷ Ndana, Nyangwe Kumande wusu Yesu Krist ne nguru wene nè Sangwe Njambiye wusu wêdya metemo mun, nye sendi wune deti te yi kelo kimɔ yasi, ko ke mekele ko ke lepi te yi punde ke numbu yun.

3

Pol nde, bo ngwêtangwe keto yan

¹ Wune njon, mi ke lepɔ sidye nɔ nde: Wune ngwêtangwe ne Njambiye keto su nde, melépi me Nyangwe Kumande nyânjangwe nedɔ, nè bomɔ bôn yo kimote lukse Njambiye nda yi yo kelna ke yun ké. ² Wune ngwêtangwe sendi ne Njambiye, na jongwe wuse ke mebo me beya botu be nyalɔ, keto yeti bomɔ hene tike temɔ ke Kimɔ Tom te yi wuse lepima ké na. ³ Ko beko dete, yasi te yi Nyangwe Kumande si kpo nde, a ta kelo ké, a ti dîy kine tonje yo na. Dete, a ta nye wune deti bakidye sendi wune, kambɔ ne *Mɔ beya mekele kɔ. ⁴ Nyangwe Kumande ke nye sendi wuse deti nde, wuse bêki ne bibina temɔ ke yun nde, wune ke kelo meyasi mete yi wuse lepima nye wune ké, be sendi ne bibina temɔ nde, wune ta kelo dete kè nɔ

mbombu. ⁵ Nyaṅgwe Kumande kël nde, wune nyêki metemo mun ke duwã mekwadya mete yi Njambiyè kwadya ne wune ké, disima meyasi nda nye *Krist.

Bekriten yâkaṅgwe kelo mesay

⁶ Wune njon, wuse ke kombile lepɔ nye wune ne dīno Nyaṅgwe Kumande wusu Yesu Krist nde: Wune bâkaṅgwe ne mo njon wun hene ε jonna ne ndul ndul kine beṅgwe meyasi mete yi wuse tedya nye ké na. ⁷ Ndana, wune ne ṅguru wun ke duwe yasi te yi wune yâkaṅgwe kelo yí jonna no nda wuse, keto yi wuse jonnama no ke njoka wun ké, wuse tĩ jonna ne ndul ndul na. ⁸ Sendi, ko wuse tĩ diyè wete mumo nde, a nyêki wuse medye ne gbelate na. Yasi wete, wuse dikima kelo mesay wondo biriki sana tu nè yeso, kambɔ wete mumo ke njoka yun me nje gwe mesay keto su. ⁹ Yi wuse kelma dte ké, yeti nde, wuse tĩ be ne deti te yi diyè yiṅa yaṅa ke mebo mun na. Yasi wete, wuse kwadya kelo dte, né wune beṅ nda yi wuse jonna no ké kelo nda wuse. ¹⁰ Yo dte, ke yi wuse ba no ke yun ké, ε wuse kombile lepɔ nye wune nde, ṅge mumo ti kwadye kelo mesay na, a tĩ dyenṅgwe sendi na. ¹¹ Yo nde, wuse ke wokɔ nde, baṅa bomo ke njoka yun ke jonna ne ndul ndul kine kelo mesay na, yasi wete, bo díy ndi nyena numbu ke melepi me beso. ¹² Dte, wuse ke kombile lepɔ nye botu bete be jonna dte baka, kite sendi bo ne dīno Nyaṅgwe Kumande Yesu Krist nde, bo kël mesay ne te ne mebo man yí dyena no. ¹³ Wune njon, ke be wune, wune tĩ kati kelna

kimɔ yasi na. ¹⁴ Ndana, ke wete mumɔ ke njoka yun dīye kinε beŋgwe yasi te yi wuse lεpe kenje wune ke mɔy məkana maka na, nε wune bēŋa nye kimote. Nε wune pāŋ tumɔ kɔŋ ne nye, né njɔn te biye nye. ¹⁵ Yasi wete, wune tī beŋa nye nda mɔ pendɔ wun na, yo nde, wune kīta nye nda yi wune yakama kite ne maŋ wun ké.

Njena lɛpi

¹⁶ Ndana, Nyangwe Kumande te ε nye tete kɔ nyēki wune tete ne ŋguru wene metu hene nε ke meyasi hene. Nyangwe Kumande dīy pe wune hene. ¹⁷ Mi ke nyenɔ wune, gba mi Pol ne gba bɔ mbe. Yo ne njel bɔ məketi te yike ke siyna məkana membe hene yí tedye nde, yo mi lɛpina. Yo nda yike yi mi diki ketɔ. ¹⁸ Nyangwe Kumande wusu Yesu Krist kēl ŋgikwa ne wune hene.

Μελεπι με Njambye Jonja Mbon
Kako: Μελεπι με Njambye Jonja Mbon New
Testament
Le Nouveau Testament en langue kako (kako-est)
Cameroun et RCA

copyright © 1999 Wycliffe Bible Translators, Inc.

Language: (Kako)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

01d5712f-3809-5574-9928-b20d539536e3